

兩
浙
名
賢
錄

兩潘名賢錄卷四十一 目次

恬裕

漢

丘勝

韓續

三國吳

黃門侍郎郭元禮成

晉

參軍沈世明嘗

司空陸士瑤玩

子始附

宋齊梁陳

南昌別駕梅昌圖盛

尚書令孔季恭靖

侍中王敬弘裕之

子恢之附

豫章太守謝宣遠瞻

侍中王思遠

侍中謝景恒澹

吳郡太守王伯蒼秀之

司徒將軍謝敬冲

子讓附

謝光祿

子哲附

侍中王茂遠

比中郎長史謝仁悠

散騎常侍阮萬齡

太子詹事謝義潔

唐

衛州刺史孔若思

夔王傅姚斯勤

右庶子滕珦

秘書少監孔述麻

子敏行附

右補闕孔季和詡

主客員外郎翕子平洮

宋

兩浙都轉鹽運司使李藏用若拙

子釋附

工部侍郎郎叔庶簡

海門令元知禮奉宗

龍圖閣待制唐叔元肅

尚書郎關魯

子景仁附

太常博士周敘明

光祿卿盧仲辛華

周沂

任大中附

將作監主簿吳熊

右司諫唐士憲淑問

中大夫周南伯邦式

子芭蔚茂附

吏部侍郎胡嘉言國瑞

惠田郎中俞退翁汝尚

孫倅附

太常寺少卿沈望之周

司封員外郎張聖休祠

太子中舍沈子達兼

右司諫王子雲縉

中書侍郎馮彥爲熙載

兵部尚書詹持國又

敷文閣學士蕭德起振

荆門守郭次張知運

國子博士陳斯士蘭

提舉常平李文授孟傳

知臨江李叔益友直

司理夏敬仲明誠

寶文閣直學士王彥舟渙之

安鄉令劉必明愚

妻徐氏
子克附

監察御史胡子先詵

劉元益應龜

進士王用亨

太常寺丞王起巖夢得

元

江州伴丘屢常一中

翰林侍講學士張師道伯淳

俞升器金

處士吳仲可再

處士盧思誠中

明一

國子學正蘇平仲伯衡

白鹿生楊本初恒

按察使趙澤民淵

工部主事劉季篪韶

翰林院檢討陳君嗣繼

翰林院檢討黃胤宗

刑部主事王自牧謙

觀樂生許士修繼

太常博士陳世昌

應天府治中凌賢

子晏
如附

禮部右侍郎吾紳

禮部目次

卷之四十一

五

光緒

某根居士吳宗禹

祭酒貝宗魯泰

禮科給事中吳登

兩浙名賢錄卷之四十一 目次終

兩浙名賢錄卷之四十一

東海徐象梅仲和氏謨

武原徐元星遠之氏閔

怡裕

漢 共二人

丘勝

丘勝，吳興人。光武朝，歷公卿二千石，澹然無欲，每自處不爭之地。壯歲掛冠，屏居田里，乃於先人故塋傍，與弟子築室而居，席簾不蔽，而吟誦不輟，經其戶者無不知。

爲君子

韓績

韓績嘉興人少好文學性恬默不交當世東土稱之成
帝時以安車束帛徵爲國子博士力辭不起以布衣終

三國吳 凡一人

黃門侍郎郭元禮成

郭成字元禮吳郡富春人也夙著節義漢末羣雄競逐
四方糜沸成獨乘扁舟泛五湖遊滄江探竒逐勝以書
劍自娛吳黃武初以賢良徵不起有司敦迫不得已命

駕拜武義校尉。遷黃門侍郎。以功封永興富春二縣侯。
遽表乞身。優游泉石。時賢服其高。

晉

共三人

參軍沈世明警

沈警字世明。武康人。休文之曾祖也。淳篤有行業。學通
左氏春秋。家產累千金。警內足於財。爲東南豪士。無仕
進意。謝安辟爲參軍。甚相敬重。未幾謝病歸。安固留。不
止。乃謂曰。沈參軍有獨善之志。不亦高乎。警曰。使君以
道御物。前所以懷德。而至旣無用。佐時故。遂飲啄之。願。

傳

卷之四十一

七

爾還家積載以素業自娛前將軍王恭鎮京口與警有舊好復引爲參軍手書殷勤苦相招致不得已而應之尋復謝去

司空陸士瑤玩 子始附

陸玩字士瑤散騎常侍曄之弟也器量淹雅弱冠有美名公府交辟皆不就元帝引爲丞相參軍時王導初至江左思結人情請婚於玩玩曰培塿無松柏薰蕕不同器玩雖不才義不能爲亂倫之始導乃止累加奮武將軍拜侍中遷吏部尚書蘇峻反玩與兄曄俱守官城玩

潛說匡術歸順以功封平興伯轉尚書令授左光祿大夫開府儀同三司加散騎常侍餘如故玩頻表薛讓皆不許會王導郗鑒庾亮相繼而薨朝野咸以爲三良旣沒國家殄瘁以玩有德望遷侍中司空給羽林四十人玩旣拜有人詣之索杯酒瀉置梁柱間祝曰當今乏材以爾爲柱石莫傾人梁棟玩笑曰戢卿良規旣而歎息謂賓客曰以我爲三公是天下爲無人談者以爲知言玩翼亮累世常以弘重爲人主所貴加性通雅不以名位格物誘納後進謙若布衣由是縉紳之徒莫不蔭其

德字慶年六十四諡曰康子始嗣歷侍中尚書

宋齊梁陳 共一十六人

南昌別駕梅昌國盛

梅盛字昌國台之寧海人仕晉爲章安令擢南昌別駕知晉將亡卽是邑而隱焉常誦佛書有靈鳥降其所居之側若諦聽者歲餘始知郡縣以爲鳳集上其事宋文帝聞而下詔褒美之上表稱謝曰此殆覽陛下之德耳臣何與焉帝咨嗟稱爲長者仍命郡縣關其所居未幾舍爲丹丘寺云

尚書令孔季恭靖

孔靖字季恭，會稽山陰人也。始察孝廉，累遷司徒左西掾。未拜母喪，服除，起爲山陰令。不就。宋武帝東征，孫恩屢至會稽，過靖宅。靖正晝卧，有神人衣服非常，謂曰：「起，天子在門。」旣而失之。靖遽起，適見帝，延入結交，執手曰：「卿後當大貴，願以身爲託。」於是曲意禮接，贍給甚厚。時桓玄篡形已著，帝欲於山陰建義。靖以山陰路遠，且玄未居極位，不如待其篡後。於京口圖之。帝亦以爲然。時虞嘯父爲會稽內史，靖求爲府司馬，不得。及帝定桓玄。

卽以靖爲會稽內史。靖父本爲桓玄所授。聞玄敗。閉門請罪。靖慰勉使且安。所住明日乃移。累遷吳興太守。加冠軍。先是吳興頻喪太守。言項羽神爲卞山王。居郡廳事。二千石常避之。靖居廳事。竟無害也。遷尚書左僕射。又固讓。義熙八年。復爲會稽內史。十年。仍擢爲右僕射。又固辭。不拜。除領軍。加散騎常侍。十二年。致仕。拜金紫光祿大夫。宋臺初建。以爲尚書令。又讓。乃拜侍中。特進。左光祿大夫。辭事。東歸。帝餞之戲馬臺。百僚咸賦詩以送。其美及受命。加開府儀同三司。讓累年不受。薨。以爲贈。

侍中王敬弘裕之子恢之附

王裕之字敬弘以字行晉陵太守茂之之子敬弘少有清尚起家衛軍參軍性恬靜樂山水求爲天門太守及之郡妻弟荊州刺史桓玄遣信邀令過已敬弘至巴陵謂人曰靈寶正當欲見其姊我不能爲桓氏贅婿乃遣別船送妻往江陵隔年不迎由郡無事恣其游適意其好之後爲南平太守桓玄篡位屢召不下武帝以爲車騎從事中郎永初中累遷吏部尚書敬弘每被召卽便抵奉旣到宜退旋復解官武帝嘉其志不苟違也除廣

陵王師加散騎常侍。自陳無德不可師範。令王固議不拜。歷遷尚書令。固讓表求還東。上不能奪。改授侍中。特進左光祿大夫。給親信三十人。及東歸。車駕幸治亭。餞送。未幾。徵爲太子少傅。敬弘詣都上表。固辭不拜。東歸。未幾。又以爲左光祿大夫。開府儀同三司。侍中如故。又詣都表辭。竟不拜。東歸。未幾。復申前命。復辭。明年薨於餘杭山之舍亭山。年八十八。謚文貞公。敬弘形狀短而坐起端方。桓玄謂之彈基。發八勢所居舍亭山。林潤環周。備登臨之美。故時人謂之王東山。左右常使二老婦。

然五條辯着青紵袴襪飾以朱粉子恢之被召爲秘書郎敬弘求爲奉朝請與恢之書曰彼秘書有限故有觴朝請無限故無競吾欲使汝處不競之地文帝嘉之並見許敬弘見兒孫歲中不過一再見見輒尅日未嘗教子孫學問各隨所欲人或問之答曰丹朱不應乏教寡越不聞被捶恢之位新安太守嘗請假定省敬弘尅日見之至日輒不果假日將盡恢之求薨敬弘呼前至闕復不見恢之於闕外拜辭流涕而去

豫章太守謝宣遠贈

謝瞻字宣遠，晦之次兄也。六歲能屬文，爲紫石英贊，果
然詩爲當時才士歎異。與從叔琨、族弟靈運俱有盛名，
嘗作喜霽詩，靈運寫之，琨詠之。王弘在坐，以爲三絕。爲
宋武帝相國從事中郎。晦時爲宋臺右衛，旌遇已重。於
彭城還都，迎家賓客輻湊。時瞻在家，驚駭謂晦曰：「吾家
以素退爲業，汝遂勢傾朝野，此豈門戶福耶？」乃籬隔門。
庭曰：「吾不忍見此。」及還彭城，言於武帝曰：「臣本素士，父
祖位不過二千石，弟年始三十，志用凡近，位任顯密，禍
過災生，特乞降黜，以保衰門。」前後屢陳，帝飲以膽爲異。

與郡又自陳請乃爲豫章太守晦或以朝廷密事語
瞻輒向親舊說以戲笑以絕其言晦遂建佐命功
瞻愈憂懼永初二年在郡遇疾不療幸於不永疾篤還都責
以晦禁旅不得出宿使瞻居於晉南郡公主婿羊良故
第瞻曰吾有先人樊廬何爲於此臨終遺晦書曰吾得
歸骨山足亦何所多恨弟思自勉爲國爲家卒時年三
十五文章之美與從叔琨族弟靈運相抗靈運父璠無
才能爲秘書郎早卒而靈運好臧否人物琨患之徂加
裁抑未有其方謂瞻曰非汝莫能乃與晦瞻弘微等共

遊戲使賸與靈運共車靈運登車便問教人物雖謂目
秘書早亡談者亦互有同異靈運默然言論自此衰止
侍中王恩遠

王恩遠平西長史羅雲之子也八歲父卒祖弘之及外
祖新安太守羊敬元並栖退高尚故恩遠少無仕心宋
建平王景素辟南徐州主簿深見禮遇景素被誅左右
離散恩遠親視殯葬手種松柏土表埋之事感朝廷貴
素女廢爲庶人恩遠分衣食以相資贈長爲備笄總髮
求素封傾家送之建元初歷南後魏事參軍求出爲

郡除建安內史歷遷御史中丞建武初遷吏部郎思遠以從兄晏爲尚書令不欲並居內臺權要之職上表固讓乃改授司徒左長史明帝廢立之際思遠謂晏曰兄荷武帝厚恩今一旦贊人如此事彼或可以權計相須未知兄將何以自立及此引決猶可保全門戶不失後名晏曰方啖粥未暇此事及拜驃騎會子弟謂思遠兄思徵曰隆昌之末阿戎勸吾自裁若用其語豈有今日思遠遠應曰如阿戎所見猶未晚也旬日晏及禍思遠立身簡默諸客有詣已者覘知衣服垢穢方便不前形

儀新楚乃與促膝及去之後猶令二人交帚拂其坐處
都水使者季珪之常曰見王思遠終日匡坐不妄言笑
替帽衣領無不整潔便憶丘明士見明士蓬頭散帶終
日酣醉吐論縱橫唐突卿宰便復憶見思遠言其所反
也上既誅晏遷思遠爲侍中卒年四十九贈太常謚曰
貞子

侍中謝景恒澹

謝澹字景恒太傅安之孫琅琊王友理之子任達仗氣
不啻當世與順陽范泰爲雲霞之交歷位尚書宋武帝

將受禪有司議使侍中劉歊進璽帝曰此璽信漢人望
乃使澹攝澹嘗侍帝宴酣飲大言無所屈鄭鮮之欲按
之帝以爲澹方外士不宜規矩繩之然意不悅不以任
寄景平中累遷光祿大夫從子晦爲荊州將之鎮誨澹
別晦色自矜澹問晦年答曰三十五澹笑曰昔荀中郎
年二十九爲北府都督卿比之已爲老矣晦色甚媿元
嘉中位侍中特進金紫光祿大夫卒初澹從弟混與劉
毅暉澹常以爲憂漸踈混每謂弟璞從子瞻曰益壽此
性終當破家混尋見諫朝廷以澹先言故不及禍

吳郡太守王伯奮秀之

王秀之字伯奮侍中敬弘之孫吏部尚書璜之之子仕
宋爲太子舍人吏部尚書褚彥回欲與結婚秀之不肯
以故頻爲兩府外兵參軍後爲晉平太守暮年求還或
問其故答曰此郡沃壤珍阜日至人所昧者財財生則
禍逐智者不昧財亦不逐禍吾山資已足豈可久留以
妨賢路乃上表請代時人以爲王晉平恐富求歸仕齊
累遷侍中祭酒都官尚書秀之祖父敬弘性貞正徐美
之傳亮嘗朝不與來往及致仕隱吳興與秀之父璜之

書深勗以靜退。瓚之爲五兵尚書，未嘗請一朝貴。江譚
謂何偃曰：「王瓚之今便是朝隱。」至秀之爲尚書，又不與
王儉款接。三世不事權貴，時人稱之。轉侍中，領輔國將
軍，出爲吳興太守。秀之先爲諸王長史，行事便無復仕
進意。營理舍亭山宅，有終焉之志。及除吳興郡，隱業所
在心，願爲之。到郡，修舊山，移置輜重。隆昌元年卒，遺令
朱服不得入棺，祭則酒脯而已。世人以僕妾直靈助哭，
當由喪主不能淳至，欲以多聲相亂，魂而有靈，吾當笑
之。謚曰簡子。

司徒衛將軍謝敬冲

子設附

謝朓字敬冲，中書令莊之子。幼聰慧，莊器之，常置左右。十歲能屬文，莊游土山，使朓命篇，攬筆便就。莊撫之曰：「真吾家千金。」仕宋爲衛將軍袁粲長史。粲性簡峻，時人方之李膺。朓謁退，粲曰：「謝令不死矣。」齊高帝爲驃騎將軍輔政，選朓爲長史。高帝方圖禪代，欲以朓佐命，改左長史。每夕置酒，獨與朓論魏晉故事，言石苞不早勸晉文死，方慟哭。方之馮異，非知機也。朓曰：「昔魏臣有勸魏武卽帝位。」魏武曰：「有用我者，其爲周文王乎？」晉太世事。

魏氏將必終身北面假使魏早依唐虞故事亦當三讓
彌高帝不悅更引王儉爲左長史以朮爲侍中領秘書
監及齊受禪朮當日在直百僚陪位侍中當解璽朮佯
不知曰有何公事傳詔云解璽授齊王朮曰齊自有侍
中乃引枕卧傳詔者懼乃使稱疾欲取兼人朮曰我無
疾何所道遂朝服出東掖門乃得車還宅是日遂以王
儉爲侍中解璽既而武帝請誅朮高帝曰殺之則成其
名正應容之度外又以家貧乞郡尋旨抑揚詔免官禁
錮永明中爲義興太守歷都官尚書中書令侍中求出

仍爲吳興太守。明帝謀入嗣位，引朝廷舊臣。朮內固止，足且實避事。弟濬時爲吏部尚書，朮至郛，致酒數斛。還書曰：「可力飲此，勿豫人事。」徵爲侍中、中書令，不應。遣諸子還都，獨與母築室郡之西郭。時國子祭酒廬江何胤亦抗章還會稽。永元中，詔徵朮胤，並不屈。梁武帝起兵，平建鄴，徵朮胤，並補軍諮祭酒，皆不至。及卽位，徵之，復不至。遣領軍司馬王果敦營，朮乃詣闕自陳。詔以爲侍中、司徒、尚書令。朮辟脚疾，不堪拜謁，乃角巾自輿詣雲龍門謝詔。固陳本志，不許。武帝臨軒，遣謁者拜授。五年

改授中書監司徒衛將軍固讓不受至歷三時乃拜授
焉是冬薨車駕臨哭謚曰靖著書及文章行於世子課
歷官東陽內史及還五官送錢一萬止留一百日數奏
劉寵更以爲媿

謝光祿謨 子哲附

謝謨。肅之仲子。不棄交接。門無雜賓。有時獨醉。日入至
室者。但有清風對吾飲者。唯當明月。位右光祿大夫。子
哲。字穎豫。美風儀。舉止醞藉。襟情豁朗。爲士君子所重。
在梁至廣陵太守。入陳。歷吏部尚書。中書令。侍中。司徒。

左長史卒謚康子

侍中王茂遠峻

王峻字茂遠秀之之子少美風姿善容止仕齊爲桂陽
內史梁天監初爲中書侍郎武帝甚悅其風采與謝覽
同見賞擢累遷侍中吏部尚書處選甚得名譽峻性詳
推無趨競心嘗與謝覽約官至侍中不復謀進仕覽自
吏部尚書出爲吳興郡平心不畏強禦亦由處俗情薄
故也峻爲侍中已後雖不退身亦淡然自守無所管務
遷金紫光祿大夫卒謚惠子

北中郎長史謝仁悠顥

謝顥字仁悠，肱之弟也。少簡靜。宋末，爲豫章太守。至履頭，遂白服登烽火樓，坐免官。諸齊高帝自占謝言，齊清麗容儀，端雅左右爲之傾目。省而不問。永明初，高選文學，以顥爲竟陵王友，歷吏部郎，有簡秀之目。卒於北中郎長史。

散騎常侍阮萬齡

阮萬齡，左光祿大夫裕之孫，黃門侍郎寧之子。萬齡少知名，爲孟昶建威長史。時袁豹注良相，係爲親司馬。時

人謂親府有三素望萬餘家存會稽剡縣頗有素情悵於進取歷位左戶尚書進太常出爲湖州刺史政尚清簡無赫赫名後爲散騎常侍金紫光祿大夫卒

太子詹事謝義潔

謝潛字義潔莊之子年七歲能文性敏瞻嘗與劉悅飲推讓久之悅曰謝莊兒不可云不能飲潛曰苟得其人自可流酒千日悅甚慙無言仕齊累遷中書侍郎尋拜吏部尚書明帝廢鬱林領兵入殿左右驚走報潛潛與客圍棋每下子輒云其當有意竟局乃還齋卧竟不問

外事明帝卽位。滿又屬疾，不知公事。肅謀以兵臨之。滿曰：「天下事以公卿處之足矣。且死者命也，何足以此懼人？」後宴會功臣，上酒。尚書令王晏等興席，滿獨不起。曰：「陛下受命應天，王晏以爲己功，獻鴈遂不見報，上大矣。」解之坐罷。晏呼滿共載，欲相撫悅。滿又正色曰：「君果窮在何處？」晏初得璚劍，滿謂曰：「身家太薄，裁得六人，若何事？」顛得二十，晏甚憚之。謂江祏曰：「彼上人者，難爲。」對曰：「加領軍、右將軍。」永泰元年卒。於太子詹事，贈金紫、光祿大夫、諡簡子。初，滿爲吳興，滿於征虜送別，滿推滿口曰：

補

卷之四十一

七

七

此中惟宜飲酒故潘於建武之朝專以長酒爲事

唐 共七人

衛州刺史孔若思

孔若思山陰人祖紹安以文辭稱若思早孤其母躬訓教長以博學聞有遺以褚遂良書者止納一卷其人曰是書貴千金何取之廉答曰審爾此爲多矣更還其半權明經歷庫部郎中嘗曰仕宦至郎中足矣座右置止水一石明止足意中宗初敬暉桓彥範當國以若思爲識古今凡大政事必咨質以行三遷禮部侍郎力求終

補出爲衛州刺史。故事以宗室爲州別駕。見刺史。執事不肯致恭。若思劾奏別駕李道欽有詔別駕見刺史。致恭自若。思始累封梁郡公。謚曰惠。

裴王傳。裴斯勤。勗。

裴勗字斯勤。秘書監合之弟。長慶初。擢進士第。歎居僕府表屏。進監察御史。佐塩鐵使務。累遷諫議大夫。更調常二州刺史。爲宰相李德裕厚善。及德裕爲令狐綯等諸逆。搆索支黨。無敢通涉問。德裕旣居海上。家無資。病無湯劑。湯數饋餉。問候不傳。時爲厚薄。尋薨。裴王傳。遂。

引年歸。自作書。藏於萬安山南原榮塋之傍。墓前曰寂
居穴。墳曰復真堂。中刻土爲床。曰化臺。而刻石以告後
世。

右庶子滕珣

滕珣。瑛之東陽人。大曆貞元間。歷茂王傅。以詩名於時。
意趣恬淡。不干榮利。每一登進。常若不勝。年未五十。即
以右庶子致仕。歸。四品給參。還鄉。自珣始。

秘書少監孔述睿

孔述睿。越州山陰人。監察御史祖舜之孫。少孤。與兄克

徵第克讓借隱嵩山而述磨尤資警嗜學大曆中劉晏
薦於代宗以太常寺協律郎召累遷司勳員外郎兼史
館修撰述磨每一遷卽至朝議俄而辟疾歸以爲常德
宗立拜諫議大夫命河南尹趙惠伯貴詔書東席脩磨
敦遣旣至對磨頗贈第宅給厩馬兼皇太子侍讀四年
弗許凡乃改秘書少監兼右庶子後爲史館修撰述磨
天性退讓未始忤物雖親朋燕集至履默終日人皆畏
之與令參相同職相教括儻卒不較也時稱長者貞
元四年帝念平涼之難尤憫相以述磨精慤而誠故遣

持祠具稱詣臨祭又以疾乞解父乃許以太子賓客選
卿賜帛五十匹衣一襲故事致仕不給公驛帝特致給
焉卒年七十一贈工部尚書

左補闕孔季和季詡

集賢所

孔季詡字季和祖唐之從弟也父頴第進士歷官緱
刺史門無賓謁時稱其介季詡簡貴有父風永昌初擢
祠科授秘書郎陳子昂一見賞之曰神清韵遠官今之
衛玠也詡亦高自標致遺落世務久之轉左補闕明然
然曰不補闕則曠官補闕則授職身與名就親吾焉以

熟矣遂拂衣歸山陰曰千岩競秀萬壑爭流吾於是中
將頌佳趣終當以樂死耳一日無疾卒

主客員外郎翁子平洸

翁洸字子平壽昌人舉進士授主客員外郎退居不仕
僖宗以建州刺史李頌薦遣使徵之令睦州守臣催促
上道洸不起作枯木詩以答詔僖宗後遣使以曲江魚
賜之宋理宗朝追謚爲善慶公

宋 共三十八人

兩浙都轉運使李徽用若軸

子釋附

李若拙字義用，西安人。質狀魁偉，尚氣有才幹。初舉拔萃，又第進士。太祖時爲著作郎，後累進史館修撰。歷兩浙江南轉運使，自以久官在外，作五知先生傳，謂知時知難知命知退知足也。子繹亦舉進士。

工部侍郎郎叔廬簡

郎簡字叔廬，杭之臨安人。幼孤貧，借書錄之多，至成誦。舉進士第，補試秘書省校書郎，出知寧國縣。徙福清令，調隨州推官。及引對，真宗曰：「簡歷官無過，而無一人薦是必恬於進者。」特改秘書省著作佐郎，尋以尚書工部

侍郎致仕卒年八十有九簡性和易喜賓客臨錢塘
北治園廬自號武林居士導引服餌晚歲顏如丹尤嫻
醫術集驗方數千首行於世一日謂其子縉曰吾退居
不五年未嘗小不澤今怠倦豈不逝歟就寢而絕絃維
學四明朱頤長學文於沈天錫既仕均俸資之後二人
亡又訪其子孫爲主婚嫁孫沔知杭州榜其里門曰德
壽坊

海門令元知禮奉崇

元奉崇字知禮德昭之孫景德二年舉科及第知通州

海門縣地苦瘠。由奉宗爲縣。注甘露人。在稱之。遷轉
士。拜屯田員外郎。告老歸杭。奉宗天性恬靜。舊居在閩
閩。乃謂家人曰。富春佳。山水真。吾退閒之所。遂卜居焉。
景祐戊寅卒。其後有緯。

龍圖閣待制唐叔元肅

唐肅字叔元。錢塘人。七歲能誦五經。性清直。廉儉。恬於
榮進。咸平初登進士第。爲秦州司理。有人夜宿逆旅。而
國宿者殺之。亡去。且起視之。血汚其衣。爲吏所執。不
明。遂自誣服。肅爲白其寃。而知州事馬知節遇其寃。則

固持不可後數日果得殺人者就辟擢本州觀察推官
遷著作郎知洪州艤舟南康或問其故曰職由以四月
爲限今遽往得無趲利乎踰月乃上仕至龍圖閣待制
尚書郎關魯 子景仁附

關魯錢塘人大中祥符五年以進士起家盡力於官歷
守池台二州爲尚書郎上疏引年歸老錢塘陳襄爲作
鴻飛之詩謂其能以禮致仕而老成之德不衰請養於
朝天子不能用皇祐四年卒八子皆學行修立以進士
舉者六人而景仁尤著

太常博士周啟明

周啟明龍泉人舉進士又舉賢良方正科既而罷歸教授子弟數百人不復仕進時稱處士轉運使陳堯年表其行義詔賜粟帛仁宗聞其怙退有德業詔拜太常博士力辭不起所著有詩賦雜文千六百篇

光祿卿盧仲辛華

盧華字仲辛德清人少舉童子知杭州馬亮見所爲詩嗟異之秋貢士密戒主司勿遺華華問語人曰以私譽薦吾耻之去勿就後二年遂首選至登第年才十六歲

歷中知龔州蠻入寇桂管驍勳韋經盡軍湏先擊而集
移書安撫使杜杞請治諸郡城及易長吏之不才者又
言嶺外小郡合四五不當中州一大縣無城池甲兵之
備將爲賊困宜度遠近并省之後饒智高來九郡相繼
不守皆如華慮知龔泉二州提點廣東刑獄福建湖南
轉運使復請外神宗謂宰相曰華庶退如是宜與嘉郡
遂爲宣州以光祿卿致仕用子秉恩轉通議大夫退居
然與十五年秉爲發運使諸歲一歸覲後帥渭乞解官
終養帝數賜詔慰勉時以爲榮年八十二卒

周沂 任大中附

周沂江山人博學而好吟詠性介特不妄交當世少與趙清獻友善清獻常稱其爲天下士視軒冕爲土苴時西安儒學任大中作詩清苦能自守亦爲清獻所喜清獻常稱曰士君子立身患每生於有欲有欲則言動由人便多尤悔如周任二公者禍患當何從來其爲清獻所歎服如此

將作監主簿吳玳

吳玳龍泉人以行義見推甘於隱遁康定中郡將張

秦授本郡教授，率士先行業而後文。執士風爲安節機，
著薦於朝，賜果帛，授將作監主簿。未幾，卽乞休。卒，門
人程謚曰冲和先生。

左司監唐士憲淑問

唐淑問字士憲，恭知政事介之子。第進士，官至殿中丞。
神宗以其家世，擢監察御史裏行，論以謹家法，務大體。
淑問見帝初卽位，銳於治，固言中旨數下，一出特斷，當
謹出納，別在直使，命令必行，今詔書求直言，而久無所
施用，必欲屈羣策以起滯道，願行其言。初，詔侍臣講讀，

誠問言王者之事不必分章條條交錯稽古聖人治天下之道歷代致興亡之由悉登正人博訪世務以求合適王則天下幸甚河北餓流人就食京師官振原給食者不止淑問曰出果不繼是誘之失業而就死地也修三策上之滕甫爲中丞淑問力數其短帝以爲遜名乃詔避其父三司使出通判復州久之知真州提點河陽諸獄言新法不便乞解使事黜知信陽軍以病免數年起知宣州徙湖州入爲吏部員外郎又引疾求外帝以爲避事降監梅州酒稅哲宗立司馬光薦其行已有

職難進易退召爲左司諫以病致仕數月卒

中大夫周南伯邦式 子芑蔚茂附

周邦式字周伯錢塘人少好學中元豐二年進士第主
楚州寶應簿歷官提舉江東常平爲淮南運判徙梓州
路入對留爲尚書度支郎中邦式夷澹不樂中都官復
出提點淮西刑獄徙兩浙又徙江東京師營土木命輸
殿材邦式奏言非地所產有需醉妄斥官禁事者邦式
被命治詔獄其人自分必死獄成纔坐遠徙代歸知宿
州滑州皆不赴提舉南京鴻慶官起知處州辭不行積

官中大夫卒年七十五子芭蔚茂芭最知名

屯田郎中俞退翁汝尚 孫伴附

俞汝尚字退翁湖之烏程人爲人溫溫有禮議論不苟
不可於意默而不言言之未嘗妄也不肯料理生事不
以貪乏撓其懷潛於勢利聞人善言善行記之不忘時
屢爲人道之擢進士第涉歷州縣無少營進取之心嘗
知導江縣新繁令辛使者使承其乏將資以公田辭不
許至則悉以資舊令之家熙寧初養書劍安西川判官
趙抃守蜀以簡靜爲治每旦退坐便齋諸吏莫敢至惟

汝尚來，輒排闥徑入，相對清談，竟暮。王安石當國，患一時故老不同己，或言汝尚清望，可置之御史，使以次彈擊。驛召詣京師，既知所以薦用意，力辭，章再上，徑免親。故有責以不能爲子孫地者。汝尚笑曰：「是乃所以爲其地也。」還家苦貧，未能忘祿養，又從趙抃於青州，遂以屯田郎中致仕。優游數年，當六月徂暑，寢室不可居，出舍於門。妻黃就視之，汝尚曰：「人生七十已稀，吾與夫人皆過之，可以行矣。」妻應曰：「然則我先去。」後三日卒。汝尚疇其喪，爲作銘，召諸子告曰：「吾亦從此逝矣。」隱几而終，相

去纔十日孫莘老銘其墓孫倅紹興中敷文閣直學士
吏部侍郎胡嘉言國瑞

胡國瑞字嘉言壽昌人登崇寧進士第以博洽稱大觀
初命修九域志除編修官時奔競成風國瑞獨以在館
中爲樂不覲他徙宣和寇起鄉郡命國瑞爲鄉導勦之
高宗中興累官至吏部侍郎與丞相秦檜爲姻家而力
排和議乞斬檜以謝天下聞者縮頸懇求外補知舒州
致仕該郊恩奏澤讓其弟國士以慰母心再郊復澤其
兄子儔而後其子家居開義學有贍士田鄉人至今名

其田曰義坂

太常寺少卿沈望之周

沈周字望之錢塘人少孤與其兄相踵成進士起家令
漢陽從事高郵用舉者入大理爲丞監蘄州酒知簡之
平泉縣縣人銘其政於石遂自封州守佐蘄州三蘄州
爲侍御史有以丞相指謁周者不爲聽居頃之出刺濟
州又刺泉州其爲治取簡易訟有可已者輒諭以義使
歸思之獄以故少泉州舊多盜日暮市門盡閉禁民勿
往來周至除其禁而盜亦以止佐開封訟數年不遺者

以百數。周斷治立畫。嘗代其尹。爭獄於上。大臣爲周自
紕。三司使請鑄大錢。下其書議。議者無敢忤。周獨其
官。獨曰。堵四錢爲之。可以當十。民盜變舊錢。且盡鑄之
爲誘民死耳。不如無鑄。議上。如周言。於是天子以江東
之核察爲已悉。聞周寬厚。卽以爲使。盡歲無所劾。而
亦以治稱。然周已老。不樂事權。自請得明州。明年遂以
分司歸。第三月卒。周廉靜寬慎。貌和而內有守。春秋七
十有四。更十三官。而不一挂於法。鄉黨故舊。聞其歸。則
喜喪哭之多哀。而無一人恨望者。王荊公銘其墓。銘曰。

公生四方卒於故里先君之從祭則孫子有櫛有松存
鬱其岡不他不審萬世之藏

司封員外郎張聖休祠

張禔字聖休餘杭人少孤與其弟祗皆以文行知名以
布衣教授宗室後中進士第歷宣州宣城縣主簿撫州
司法叅軍用舉者遷大理寺丞知雅州名山洪州奉新
兩縣監海州榷貨務通判池廣兩州乃自尚書屯田員
外郎召拜殿中侍御史用磨勘遷侍御史舉劾得體以
風力稱然素寬裕靜退耻以彈治人得用未幾即稱疾

求出乃知安州州大治會卒州之父老子弟追喪車而
哭者數千人。禰事母孝友其弟至篤於權勢財利能廉
吏治尤可紀在廣州奏請城之未及築外郭而召後儼
智高反州人賴禰所築活以不卒功爲恨

太子中舍沈子達兼

于起附

沈兼字子達其先世家吳興後有名陵者仕吳越王卒
官明州家之五世而生達以五舉進士得同學究出身
再補尉有能名者遷衛尉寺丞知湖之歸安縣移
知邵武之歸化又召名遷太子中舍通判撫州以能

聞愈甚。性開朗。遇事果急。不顧計爲通判日。與守爭可
否。不爲之小屈。重犯轉運使使守相與害達入之法。除
名。天子薄其罪。免所居官而已。達歸怡。怡間爲五字詩。
自戲。娛無躁戚言。卒於家。年七十三。子起好學。通政事。
爲王安石同榜進士。居官以能守節法稱。

右司諫王子雲縉

王縉字子雲。分水人。天資純粹。事親從兄。誠意篤密。訓
勅子弟有法。與諫議江公望皆以風節議論顯於世。爲
鄉里所重。其推倚御史遷右司諫。知無不言。每謂人才。

實難多事之際。尤宜爲朝廷愛惜。以故不專彈擊。而惟論安危大計。與所以教悟君心者。退歸幾二十載。恬然自樂。年八十七。一日語其家人曰。心中無一事。時至可矣。夜分而逝。

中書侍郎馮彥爲熙載

馮熙載字彥爲。西安人。舉進士第。宣和間。由尚書左丞遷中書侍郎。時王黼爲相。熙載與之多不叶。言者論其不肯墳墓。以資政殿學士知亳州。熙載言。臣方以不省丘隴獲罪。乃令守毫。何以塞言者之口。乞歸田里。乃奉

祠尋居母喪起復赴闕熙載又力辭乞終制不能奪後知福州復引疾領祠卒謚文節

兵部尚書詹持國義

詹又字持國青田人以直亮文學著道君常呼先生而不名比使至每問曰詹義尚在否蓋以義爲義也累官至兵部尚書給事中歷事四朝靜正忠鯁爲時所忌力丐休致高宗以其恬退有守進端明殿學士主管洞霄宮以寵其歸時汪藻承制謂又勁直多聞確有所守遵聖語也後高宗對執政語曰詹義文章泰山北斗欲大

用之累召不起卒謚惠安

敷文閣學士蕭德起振

蕭振字德起溫州平陽人幼莊重不好弄稍長能自謀學嘗奉父母董農役隴畝手不釋卷其師謂其父曰此兒遠大器也登政和八年進士第調信州儀曹與守議不合守每因事危之及守以贓去振獨爲辦行守乃媿謝調婺州兵曹時婦翁許景衡以給事中召振視之曰公至朝幸勿見薦景衡問其故振曰今執政多私其親願爲時革弊景衡然之時盜賊所在猖獗婺卒楊言欲

無以應賊官吏震恐振選諸邑士兵強勇者幾千人且
督武以備蓄異謀者稍懼有一兵官素得軍士心守越
而罷之羣卒數百人披甲挺刃斬儀門入振聞卽往羣
卒皆羅拜呼曰某等屈抑願兵曹理之振使之言厲色
叱曰細事耳車駕南趣大兵咫尺汝速死耶可急釋械
當爲汝言衆拜謝而去郡守由是益相信事悉與謀嘗
議城守振請以錢數萬緡庸工榘築未數月城壘屹然
一毫無擾任滿歸告其親曰家世業農幸有田可力以
報甘旨振不願仕已或薦於朝授婺州教授晚秩乞祠

以執政薦召對稱旨拜監察御史以親老乞補外章數
上不許面奏曰臣事親之日短事陛下之日長指心自
誓今日之事父母乃他日之事陛下也遂除提鹽浙西
刑獄尋召爲中正少卿俄擢侍御史出知紹興府改兵
部除徽猷閣待制知湖州將行白秦檜曰宰相如一元
氣不可有私私則萬物爲之不生檜不悅振至州檜欲
取羨餘振遺檜書謂財用在天下如血氣之在一身移
左以實右則病矣檜囑以私事又不克盡從以親老乞
祠提舉天平觀後知台州坐楊棉在獄供涉錫徽猷待

制謫居池州尋除敷文閣待制知成都府安撫置制使
檜風御史劾之復謫池陽蜀民謠吟思之檜死語得聞
帝大感悟亟遣振復還成都父老惟呼載道連疏乞休
不許竟卒於成都年七十二振兩爲蜀守威行惠孚死
之日民無老稚相與聚哭於道振好獎善類端人正士
多所交識其間有卓然拔出者迄爲名臣振居潁江自
父歿時見過客與掌渡者爭多溺死振造大舟備工以
濟人感其德相與名其江爲蕭家渡

荆門守郭次張知運

郭知運字次張，鹽官人。少刻志問學，博通經史，弱冠登進士甲科。時相強與爲婚，弗樂，訖停之。仕至荆門守，倦求榮利，因號息庵。老人有文集四十卷，自題之曰：「猥稿。」

國子博士陳斯士

陳黼字斯士，東陽人。少從呂東萊游，經術淹貫，文章爾雅。永康林大，中聞其賢，以女妻之。登淳熙八年進士，恬靜有守。以婦翁在政府，力辭擢用。大中興，乃拜掌故。之命累遷國子博士。至著作郎，會臺臣建議，朝士不嘗作邑者，不當遽典州郡。乞授忝議官，黼遂乞祠歸。貧無室。

唐卒於永康寓舍有文集二十卷

提舉常平李文授孟傳

李孟傳字文授參知政事光之幼子也光南遷之日年
始六歲以遺表恩累官太府丞韓侂冑連逐留正趙汝
愚因使其私人倡言將論朱熹孟傳奮然曰如此則士
大夫爭之鼎鑊且不避侂冑慙而止出知江州歷福建
提舉常平詔入對言論用人宜先氣節後才能益招徠
忠謹以扶正論侂冑諫史彌遠其親故也人謂進用其
時矣卒歸使節角巾還第進直寶謨閣致仕卒常談予

孫曰安身莫若無競。修己莫若自保。守道則禍至必除。則辱來有磐溪集。宏詞類稿。左氏說讀史雜志等書。

知臨江李叔益友直

李友直字叔益。餘姚人。少有儔聲。而恬於進取。史浩初尉姚。見友直文。奇之。妻以女。浩既入相。而友直在太學。同舍生不知其爲丞相婿也。既登第。銓註蕪湖。簿未赴。而浩再相。孝宗問子姪孰賢。浩曰。婿李友直。以進士主簿蕪湖。乃除勅令所副定官。輪對稱旨。上嘉納。付其原中書。友直力請外。乃補通判婺州。改湖州。擢知臨江軍。

易廣德程大昌曰友直澄之不清撓之不濁淵乎似有
道者莫叔光曰友直如美玉無瑕可指其爲名流所賞
重如此

司理夏敬仲明誠

夏明誠字敬仲金華人其學本於呂東萊而自負甚高
常言人人可以爲聖賢而多不能盡其才者功利汨之
也登慶元丙辰進士第三人調安康司理不樂仕進致
政歸益究心問學作文必根理要嘗作八詠樓賦序直
斥沈約詩爲是樓之辱柳賈稱其理明文莊詞全韵勝

必如是而後可以爲文信鉅作傑製在天地間如禍物異瑞要不可多見而屢得之也

寶文閣直學士王彥舟渙之

王渙之字彥舟未冠擢上第累官編修時以日食求言大臣薦渙之召對上欣然延納欲任以臺諫辭曰臣與大臣薦不可居是官乃拜吏部員外郎後累官寶文閣直學士朝廷議北伐渙之以疾提舉明道官每云乘車常以顛墜處之乘舟常以覆溺處之仕宦常以不過處之則無事矣其歸趣如此

安鄉令劉必明愚妻徐氏子克明

劉愚字必明，衡之龍溪人。幼警敏，力學，弱冠入太學，有聲。受業者甚衆，傳御史柴璉祭潭顏師魯博士林光朝，璉器重之。璉每奏對，稱上肯，則曰：「臣客劉愚爲臣言，師魯管奏愚行義。」上記曰：「此何者？柴璉所薦也。」上舍釋褐，居第一。調江陵府教授，早晚與諸生講說，同僚相率以聽。愚益謙下，與葉適、項安世講論不倦。每以隱居學道爲樂。歲滿，帥王簡致書刻辟，固辭，貧不能歸。外移安鄉縣令，邑遺貲萬計。愚覈實數，寬限期，民不見吏而賦責。

足會歲歉出常平米賑貸邑佐持不可愚曰有罪不以
相累出緡錢數千萬召商糴他郡米而收元直米價頗
平糴積廩數千石以備飢旱諸司交薦改秩愚雅不樂
仕進遂致仕丞相余端禮鄉人也與愚有舊且召堂審
愚竟捨去不顧結廬城南顏垣敗壁蓬蒿蕭然著書自
適書禮語孟皆有解年八十三而卒故友與其門人私
諡曰謙塿先生妻徐氏在家時其母將以嫁姑于之富
者徐泣曰爲富人妻不願也遂歸於愚居破屋中一事
機杼愚嘗懷白金歸徐怒曰我以子爲賢而若是亟具

歸愚出書以示東修得也乃已有孟光之風焉子克蚤以詩名葉適稱其可繼陶韋

監察御史胡子先說

胡說字子先永康人寶慶丙戌進士累官監察御史內侍董宋臣竊弄國柄說屢疏劾之奪職調將作少監卽日弃官歸泊然不復以勢利經心後累召不起人稱雲岫先生所著有孝經論語釋

劉元益應龜

劉應龜字元益義烏之青岩人少悵踈常落落多志

咸淳間游太學馬丞相高其材將妻以女應龜不可由
是名稱籍甚久之以優陞解褐德祐間退隱南山之南
人稱山南先生會使者行部知應龜賢強起主教鄉邑
尋引疾歸所著奏稿劄稿祈雨留稿共二十卷

進士王用亨

王用亨崇德人少孤事母至孝嘉定初舉進士耽玩墳
典不樂榮利志欲讀盡天下書手抄口誦至忘寢食鄉
之登仕籍者多出其門嘗作二記於座右以不欺不食
自警焉

太常寺丞王起巖夢得

王夢得字起巖金華人。端平乙未進士。調錢塘縣主簿。兼領學事。以薦進兩資。再遷知鹽官縣。史嵩之當國。直薦際掌故。力辭不肯。躁進未幾。嵩之去國。人服其先見。京尹因怒於潛宰欲劾之。以辟夢得。夢得曰。奪人之職。以自利。吾不忍爲也。亟奉母東歸。差克安邊所。主管文字。爲之置籍。俾諸郡課入。易於拘催。積欠累鉅萬。疏明白於朝。裁界蠲免。除太常寺主簿。有薦於丁大全者。欲引察官周麟遷寺丞。差知建昌軍。擒捕巨寇羅勳。未幾

其渠魁。繼會者數百人。因自期請祠。歸。公論會。錄
惜其去。家居三年。儒素如故。積階朝散大夫。

元 共五人

江州倅丘屨常一中

丘一中字屨常。金華人。能文。有聲。尤工於詩。志趣恬雅。
超然不爲世俗所染。仕武學博士。嘗謫倅江州。爲闕師。
汪子源所知。聞居薪水不繼。作詩云。仙都有勅到林泉。
誰信闕官無俸錢。陶醉猶能應客事。顏飢解至乞人憐。
鹿麋已是無今夢。樹杞曾傳昔有仙。餓死亦堪垂不朽。

無緣箇箇珥貂蟬。屢薦不起。卒以窮約終其身。

翰林侍講學士張師道伯淳

張伯淳字師道。崇德人。少舉童子科。以父任銓授廸功郎。淮陰尉。改揚州司戶參軍。尋舉進士。監臨安府都稅院。陞觀察推官。除太學錄。入元。授杭州路儒學教授。遷浙東道按察司知事。歲餘。有薦伯淳於朝者。遣使召問。明年始入見。帝問冗官風憲。益策楮幣皆當時大議。所對悉稱旨。命至政事堂。將重用之。固辭。遂授翰林直學士。進階奉訓大夫。卽謁告以歸。授慶元路總管府治中。

行省檄按疑獄於循秀皆得其情大德四年卽家拜翰林侍講學士固辭不起命有司勸駕明年始造朝扈從上都又明年卒有文集若干卷藏於家

俞升器金

俞金字升器其先杭人吳越錢氏時仕其國爲戶部尚書董管田使者曰公帛嘗道娶義烏愛其地遂遷邑之鳳林鄉代有聞人歷九世而生金少好學善自程督銅發水涵木滋月長歲化壯而有名一試不合有司卽退修於家於經史尤潛心搜討較辨疑昧多所發明學者

師尊之受業者趾相錯金德愈加學愈篤晚而彌成人
望其致用而宋亡矣當是時元既有江南以夷變夏爲
士者率辮髮短衣效其語言容飾以附於上冀速獲仕
進否則訕笑以爲鄙怯非確然自信者鮮不爲之變金
獨率其家以禮深衣危冠坐談古遁客造門肅威儀備
首拱而趨周旋俛仰辭氣甚恭鄉人小子去宋久不知
宋俗皆然或竊指金爲異或尤以爲迂緩而金不顧也
卒年七十有二金既卒而宋之遺風無復有知者矣故
金之名亦不大顯於世惟發之文章以自見久而亦顯

軼不傳世由是益無知之者知而能言之者惟鄉人而已。

處士吳仲可再

吳再字仲可處之麗水人生而敦厚以易通史學能講說數千百年治亂得失邪正無所遺滯好賓客所友者皆一時名士然不以所長高人人以故喜親之貴者臨之忘其爲布衣之士貧賤者仰之忘其爲名族閭家雖野夫稚子皆知愛慕之以爲長者而處士初不爲詭異之行以邀譽於人也處士家故豐於財雅不喜言利

凶歲輒減粟價以賑飢人貧錢不能償者以田來售度
與本作卽止息錢因棄不問貧者或焚其券其厚於爲
人皆類是故人咸稱爲善人隣家火延燎旁近舍無不
燬燼者而處士家獨完僅燬一二棖櫛而止鄉人大驚
異之以爲爲善之報後子孫欲易棖櫛處士勿許曰使
後人知吾何以得此於天庶有所警耳然處士終不以
語人也處士生於元之盛時天下久治風氣淳厚閭里
老人皆以篤行相先非獨處士爲然也故處士之善雖
爲鄉邦所稱而不甚著聞於世云

虞士虞思誠中

虞中字思誠台之寧海人生丁元世俗淪於胡夷天下皆辨髮左社習其語言文字馳馬帶劍以爲常中居雖近市然恬冲坦靜不樂芬華長衣危帽徐言雅步挾儒三禮不變遇宗族鄉里一以柔和不較爲先有犯者對之微笑恂恂酬答恐傷其意由是斯人亦不忍侮之居家雖無事必早起擲冠洒掃祠寢非疾病未嘗一日怠好讀書纂輯古賢人粹言及今人文若嗜飲食言若不出口至論古今事當否得失成敗禍福及處之之宜

評者精深雖若辯者不能窮也親賓會集遺簡舊序繼
見聞可法戒者以爲樂煦煦如也不肖者見之而規善
者見之而慕久與之居而不見其可厭蓋其天性粹美
雖不同乎流俗而亦不乖絕異於人故其生也天授之
具歿也莫不悼惜焉子二曰質曰朴質以縣學生登洪
武二十一年進士第對策殿廷天子奇其文擢置第
三授承事郎翰林院編修人傑處士善教子而處出道
謙退若不與聞者人以是益賢之後二年庚午卒年六
十有四

明一 共一十五人

國子監學正 趙平仲 伯衡

趙伯衡字平仲，金華人。文定公輔之後也。轍子選出，蓋部侍郎守金華，因家焉。伯衡少警敏絕倫，誦說不分而習，中歲大肆力於文辭，精博數應人，謂有祖風。元末，棄貢士入國朝，選爲國子學錄，尋陞學正。屹然以師道自任，嘗作贊說四十首，學者傳誦之，以爲召見親擢，肩輿林園史院，編修官請丞相力以廣辟，丞相以聞。衣上亦弗之強也。遂乞歸者，於是司業宋濂率六館老其。

錢於龍江謂曰文定公古史一書至今傳之資治通鑑
尚缺宋元平仲歸矣其尚續諸他日使人稱曰蘓氏一
門世濟其美將不在茲乎伯衡謝曰方病蹟未能也歸
治一室常靜坐其中或終月不出與人少所傾接人亦
罕得而識之洪武十年宋濂請老既入謝上曰今在
外文學復有如卿者乎其舉以自代濂曰蘓伯衡臣鄉
人也博學饒行爲文辭瞻蔚有法不可以微疾廢遂下
詔徵之比至京宰輔以下咸躬禮往候詢所以答上
意者輒以疾辭如辭編修時明日入見上肩月久之

既退問羣臣達其所以對上然之賜表裏寶鈔以歸
二十一年會試聘爲考試官既竣事復辭歸竟以壽卒
於家伯衡爲人恬靜寡欲年四十始娶容貌不逾中人
而學問可以兼天下平居正襟凝思淵止山立雖寒暑
風雨不之知故能單精於義理名物典故事爲之要發
爲文詞俄頃數千言有集六卷宋濂劉基敘之以傳於
世

白鹿生楊本初恒

楊恒字本初諸暨人風神俊爽翹然欲起其羣時外族

有建義塾延賢傳以館四方游學士者恒往受諸經俱
其玄旨稍事文墨輯峻潔如淵珠衆譚曰生賦資絕倫
非積功所可及盍遜其一席地聲光流發越間煜煜能
動人競要遮作州閭師數弗應淵陽江上有鄭氏一宗
累五十室同案而膳戒子姓執贄致辭恒躍然曰是或
可爲也卽日上道臯比中居以倡道爲己責與諸生皆
必稱曰昔之人昔之人日摩月切操行有可觀屢七年
所自以精明不遠萬時退居白鹿山戴樓冠披羊裘
帶經畔烟雨間暇則吟風弄月傲睨萬象若不知古

之殊軌有識者莫能窮其際高郵樂鳳來爲州牧擇遺
門拜曰鳳聞先生賢言行無悖古先哲人願爲州學
師恒牢讓不起鳳不得已令聞有子弟卽其家問遺
政有缺失鳳必移書咨訪恒白以利病俾助實多後在
干載殿中侍御史唐鐸出守越欲辟起之恒力辭如前
鐸不聽強恒性醇篤無銖髮矯僞與人語出肺腑相示
單爲覆藏事垂名義峻言斥之弗少怒家無僭石儲
器善介山氓謬坐法當死恒憫其蠢愚謀諸鄉鄰活之
張輒阜健爲請恒拒之頃賴於地漉然出漉恒曰夷

方與弄牛何以畊俟三冬或可爾至期氓後來請恒反
覆譬曉之乃已州人士求連恒族祝生持其成暨委金
致餼繼以金幣恒笑曰孰謂君子而可以貨誘乎恐遺
去人復譁曰是可以義取者生尚不之欲況其他乎於
是鄉人教子者胥指恒爲法效學焉因其所居稱之曰
白鹿生

按察司使趙澤民淵

趙淵字澤民會稽人洪武中領鄉薦授陽穀令歷遷山
西按察司使繩賦吏興學校政績赫然未及年卽挂冠

歸結茅先隴之側。簞瓢誦讀無異布衣。

工部主事劉季麓詔

劉季麓名詔以字行。餘姚人。洪武中進士。授行人。使朝鮮得體有襲衣寶鏹之賜。擢陝西左參政。陝不產礪砂而歲以爲貢。民有以此破家者。季麓爲奏罷之。召爲刑部侍郎。以仁厚求生爲本。會纂修永樂大典。上命少師姚廣孝尚書鄭賜總其事。而擇卿佐有文學行誼者一人副之。季麓被選。功多於討論。坐註誤。左遷兩淮運副。未行。改工部主事。竟致政。歸。季麓爲人清素。位都關

嬰泊然自持至貶秩無幾微見顏色居家敦孝議律人
雍容泊經長於春秋喜吟詠冲澹優柔又精於律學法
家宗之

翰林院檢討陳君嗣繼

陳繼字君嗣其先吳興長城人徙南康之都昌再徙吳
城繼生八月而父歿母吳躬紡績以訓育之既長奮志
於學而家貧甚躬事農圃以養親自喜不求聞達或讀
書或援琴高歌因以畊樂自號及筋力少衰乃開門授
徒學者謂其善教多從之尤以其爲文簡健有法求者

相薦由是道益尊各益重郡邑交章薦之屢以目疾
老辭不就母死喪葬盡禮有聞於人仁宗皇帝卽位
宰相首以文學薦初授國子博士尋改翰林院五經博士
直弘文閣備顧問時以爲得人陞翰林檢討逾年乞
骸骨歸明年疾作旣亟命其季子完諱西銘至存吾願
事歿吾寧也因接誦不已門人劉溥請問先生有何事
答曰無事遂卒得年六十有五

翰林院檢討黃胤宗

黃胤宗名某以字行海鹽入世業儒父文傑洪武中爲

秦王府教授胤宗生而秀偉，好學篤行，孝友出於自然。伯父文俊爲鳳陽淮遠丞，卒於官，無嗣。胤宗承父命爲之後，躬往迎其柩歸葬，服喪盡禮。由是顯名，遂舉爲郡庠生。以易經登庚辰進士第，當得顯官，固辭不就，乃擢福建汀州府儒學教授。內艱服除，改河南之彰德，能以其道訓諸生，諸生學成而在進者，彬彬然以績最陞北。京國子博士，講論有章，課試有法，得其開益者，莫不敬服。秩滿陞翰林院檢討，既三載，以微疾竟不起。年六十有四，素性簡約，罕與人接。公退，則閉門靜坐，無求無營。

不徇不阿。凡爲詩文。下筆立就。不求甚工。取適意而已。蓋類其爲人焉。胤宗不慕顯榮。安於恬淡。素位而行。三十餘年。清慎之操。始終弗替。君子以爲賢。

刑部主事王自牧謙

王謙字自牧。錢塘人。有至性。父母殘廢。時思慕哭盡哀。有女兄以篤疾弗嫁。事之如母。居必擇交。客有弗當其意者。來謁相對。移時不接一語。所居在闔閭中。左右皆華穠麗宇。而謙環堵蕭然。意泊如也。洪武中。官中書進刑部主事。尋上章去。恬退靜默。不喜逸遊。人以爲士操。

商致云

繼樂生許士修繼

許繼字士修寧海人少好學而家貧精確篤志不以食
故自沮遇事有拂激於意輒閉門取書誦之聲抑揚若
合音節可聽至其家者見繼爲人忘其爲貧繼亦有以
自樂不自知其貧也繼能文辭而好游山澤間物偶合
心遂觀熟視戀戀不忍離去已卽爲文辭以自見嘗曰
吾於天得可樂者五天朗潔時繼泮不敢留與我心類
可樂也日之初升月之方霽時吾樂之霞之舒歛雲之

變化吾取以爲文樂之吾於地樂海之深博浩漫月之
澄瑩樂山之秀拔而遠者是皆可輔吾志發吾氣吾文
得以汪洋不竭峻而不險肆而不汚者此也又曰吾於
古人之言樂之不厭吾所以忘吾後古之世不知處乎
荒僻曠絕之境而常若有得者非以其書存耶斯其爲
樂最深間以其意爲詩九章言所樂者而自謂觀九者
而樂莫如我也因別爲號曰觀樂生人疑觀樂生是尤
物者人虛見之而生奚獨取以爲己樂觀樂生曰吾非
樂九物也能使九物爲吾樂耳吾樂於天地間無所不

取而豈特九物哉。天之與我者亦大矣。豈特與我衆人
皆受之。第衆人不知。而吾知。衆人不樂。而吾樂耳。衆人
之所樂者。富與貴也。罄其心之智計。不足以致之。而卒
亦不能守。藉能守之。覷覷然如鼠食乎機噐之傍。且瞻
且目。委尾而側行。惟恐機之發也。計其心曷能斯須樂
哉。孰若不待求於人而得。不必畏乎人而安。隨乎所寓
而無所不樂之爲美也。疑觀衆生聞其言而異之。曰。觀
衆生其知道者耶。後竟不知其所終。人以爲蟬蛻云。

太常博士陳世昌

陳世昌，錢塘人，力學古文，不慕仕進。元至正初，以布衣召入翰林，母老，力辭不許。詔有司勸駕，不得已就官，未幾乞外，遂奉勅代祀海上，值道梗，寓居嘉興，授徒養母。張士誠據平江，屢致不屈。洪武初，徵修禮書，授太常博士，尋以母老甚，疏請終養，三請得旨歸。無何而母終，復下詔徵之，力辭不起。以壽卒。所著有希言集。

應天府治中凌

賢 子晏如附

凌賢字

歸安人，領洪武戊辰浙江鄉薦，任武岡州

知州，考最，陞應天府治中，居官剛正不阿，無何，改知縣。

尋又請均、有隆平侯者、自荆還薦之曰、可當大任。宣
宗皇帝作招隱歌以徵之、入見。命階司馬、又命掌
都察院事、並辭。上歎曰、汝欲學師、廣耶、朕遂汝高志。
御書賜老堂三字、褒而遣之。子晏如、業儒敦行、精六書
之法、入中秘、與修永樂大典、書成、拜吏科給事中、徑本
科都給事中、尋陞都察院右僉都御史、掌院事、舉劾不
避寮案、憚之時、與都御史顧佐齊名、雖登顯庸而素無
長物、祿入不繼、至膏產以供朝夕、既卒、訃聞、遣官諭祭、
給驛歸、翰林侍讀苗衷志其墓。

禮部右侍郎吾紳

吾紳，衢州人。擢永樂甲申進士，選爲庶吉士，入翰林讀書，因同列言理刑事。太宗聞之，遂俱改刑部主事。治獄寬平，人稱不冤。尋陞郎中，超拜禮部右侍郎。太宗謂禮部尚書呂震曰：「吾紳出白翰林，可佐卿典禮矣。」旣而爲震所擠，出爲廣東右參政，尋復職。改南京刑部，奉命考察兩廣、福建方面官，有參政素貪黷，結權要，且以紳爲故僚友，妄冀二天之庇，而紳竟斥之。時稱其公還朝，復禮部。未幾卒。紳性率直，於人短長無所較，視榮辱

若不介意。初拜侍郎時。衣冠畢賀。而一室蕭然。了無
供具。或謂之曰。拜官卿貳。不祀先燕客乎。紳笑唯而已。
菜根居士吳宗禹

吳宗禹。括蒼人。裔出延陵季子。少簡元志。氣高不與世
俛仰。能爲詩歌。名出一時。嘗游江淮間。釣濠水上。兀坐
長嘯。曼聲所激。林木俱振。人莫知其爲誰。見其家有菜
又有處士服。因號之曰菜根居士。居士聞之曰。甚善。遂
以自名。所居種菜數百畦。植淮甚時。且不留草萊亂之。
故其藁常盛於恒園。性豁朗。不設機筭。人有過而折之。

善輒稱服又能料事嘗言於未然及成不失毫髮以故
人爭推其才識與交者貴忘其位長忘其齒賢忘其所
德皆傾心爲之盡而居士斥落芒角益以謙和自持客
至撾蔬啐酒既飲醉輒引客行蔬園中人恠其蔬長問
其術居士曰吾不失其性而已人愈竒之意其可居官
累官於時無赫赫名去爲人所思居士雖仕亦必隱者
狀人不稱其官而稱其所居居士喜曰吾所隱誠非名
所議也卒以萊根居士終

祭酒貝宗魯奏

貝泰字宗魯金華人少以文行稱永樂初由太學生中
京闈鄉試授餘干縣學教授遷國子助教尋陞司業起
拜祭酒以文學受知 宜廟召見便殿賜 御製招隱
歌前後在太學四十餘年六館之士翕然從化後致仕
歸蕭然如布衣縣尹欲爲造大司成坊木石已具固辭
却之不得已改爲縣儀門所著有文集若干卷

禮科給事中吳登

吳登錢塘人永樂中以文學薦擢禮科給事中小心謨
審覈弊 文廟自侍 宸翰過朝不度妻子一言近親

韓愈與相接

上益親信此終鴻雁書丞

兩浙名賢集卷之四十一終